

摘藻堂四庫全書薈要

子部

欽定四庫全書薈要

子部

御定淵鑑類函卷四百三十九
四十

詳校官兵部主事臣雷純

欽定四庫全書薈要卷一萬一千八百八十七

子部

御定淵鑑類函卷四百三十九

鱗介部三 蛇

蛇一

原詩曰惟虺惟蛇女子之祥 增酉陽雜俎曰凡禽獸

必藏形匿影同於物類是以蛇色逐地 字說曰蛇螫

人也而亦逃人 稗海地三年種蜀黍其後七年多蛇

原孫子兵法曰善用兵者譬如率然率然者常山之

蛇也擊其首則尾至擊其尾則首至擊其中則首尾俱

至

張茂先云會稽山中多此蛇

增淮南子曰已日山中稱寡人者

社中蛇也 山中見巨蛇冠幘者名曰升卿呼其名則

吉 星經騰蛇二十二星在室北近河主蟲蛇 原地

鏡圖曰金寶化為青蛇 增酉陽雜俎曰已日不宜殺

蛇 瑣碎錄曰倒拖蛇不出以鍼劄其尾即出 辨蛇

雌雄以細軟物停蛇著上其躁嬈者當知是雄住不動者當知是雌如雜寶藏經律云白疊試蛇俱住不同也

僉載種黍來蛇燒殺羊角及頭髮則蛇不敢來 續

博物志曰鵩鳴則蛇結 稽聖賦曰蛇曉方藥鵩善禁

咒大石使起取蛇食之 廣雅曰螂蛆蜈蚣性能制蛇

莊子曰螂蛆甘帶是也 三教珠英曰土勝水故螂蛆

搏蛇舊說蝮食螂蛆螂蛆食蛇蛇食蟾蜍三物相值莫

敢先動 詩經類考曰淫莫如蛇與龜鼈通氣與文魚

孔雀交與雉交生蜃螫莫如蛇麇食之攝龜食之鶴鷺

鵩食之蜈蚣喜食其腦 原爾雅曰騰騰蛇 能興雲霧

王蛇

蛇之最
大者

增詩經類考曰額有王字為衆蛇之長

埤雅廣要曰螭蛇一名神蛇亦曰靈蛇 又曰螭蛇

能騰蟲之自勝者也 荀子曰螭蛇無足而飛 原淮

南子曰夫螭蛇雄鳴上風雌鳴下風而化成形精之至

也 增陰陽自然變化論曰螭蛇聽而有孕 爾雅曰

蝮蝮屬大眼最有毒今淮南人呼蝮子 原廣志曰

蝮蛇與土色相亂長三四尺其中人以牙櫟之截斷皮

出血則身盡痛九竅出血而死 增埤雅廣要曰蝮蛇

怒時毒在頭尾螫手則斷手螫足則斷足蛇之尤毒者也字

說曰蝮復也觸之則復其害人也人亦復焉 顏師古曰蝮蛇

博三寸細項大頭首大如擘焦尾色如綬文文間有毛如猪鬣鼻反其

上有鍼大者長七八尺一名反鼻惟出南方 蝮蛇白斑黃領

身短首尾相似口長鼻反聞人咳喘步驟聲捷巧前噬口中吐

涎草木上著人身成瘡腫曰蛇瘡難療 原抱朴子曰蛇類多

惟有蝮蛇中人至急一日不治則殺人若不曉方術而為此蛇

所中但以刀割瘡肉投地其肉沸如火炙須臾焦盡而人得活

也增博物志曰蝮蛇秋月毒盛無所螫齧草木以泄其氣草

木即死樵採設為此草木所傷刺者亦殺人謂之蛇迹原淮

南子曰豹獸不可使緣木蝮蛇不可使安足楚詞曰蝮蛇

蓊蓊增埤雅廣要曰虺狀似蛇而小國語為虺弗摧為蛇

奈何以此故也顏師古曰虺若土色所在有之俗呼土虺

陶弘景曰虺形短而扁毒與蝮同詩經類考曰虺一身

而兩口廣雅曰虺蝮也楚詞曰雄虺九首原山海經巴

蛇吞象三歲而出骨君子服之已心腹之疾

今南方蚺蛇吞鹿已爛自絞于

樹腹中骨皆穿鱗中間出

增正字通曰巴蛇長十尋備青黃赤黑

色今蚺蛇即其類 埤雅廣要曰蚺大蛇尾圓無鱗身

有斑文如故暗錦纈難死似鼉行地嘗俯其首膽隨日

轉上旬近頭中旬在心下旬近尾南人云俗取其膽以

充藥材即以線合其瘡縱之後遇捕者輒自見金瘡以

明無膽亦其智也一曰蚺蛇之膽取而還生 淮南子

曰越人得蚺蛇以為上肴中國得而棄之無用 嶺表

錄異記曰普安州有養蛇戶每年五月五日即擔蛇入

府祇候取膽皆於大籠中藉以軟草盤屈其上兩人舁

一條在地上即以十數拐子從頭翻其身旋以拐子接

之不得轉側即於腹上約其尺寸用利刃決肝膽突出

即割下其膽皆如鴨子大曝乾以備上貢

說郭

括地志

曰蚺蛇牙長六七寸土人尤重之云辟不祥利遠行賣

一枚直牛數頭

證俗音曰蚺蛇肉食之辟蠱毒

北

戶錄曰其皮可鞞鼓今潮州和鱗為之聲與象皮鼓相

類 埤雅曰蚺蛇脂著人骨輒軟

潛確類書曰蚺蛇

性淫南越人取之者率徒手呼紅娘子或投婦人褻衣覆之則伏不動惟人所牽拽屠剥

嶺表錄異曰兩頭

蛇嶺外多此類時有如小指大者長尺餘腹下鱗紅背錦文一頭有眼口一頭似頭而無口眼云兩頭俱能進退謬也古云見之不祥今南人常見之其禍安在兼

名苑曰兩頭蛇一名越王約髮

詩經類考亦名弩弦

南越志曰

兩頭蛇無毒夷人餌之

續博物志曰兩頭蛇馬鼈食

牛血所化

嶺表錄異曰金蛇出黔州鱗甲上有金銀

解毒之功不下吉利也 本草曰金蛇無毒大如中指

長尺許嘗登木飲露金色照日有光能解金毒又有銀

蛇能解銀毒 爾雅翼曰凡蛇死目皆閉蘄蛇雖死目

開如生生舒蘄兩界者一開一閉物由地變如此 一

統志曰蘄州有白花蛇項有方勝尾有指甲人劃破其

腹則自赴水以指甲洗去其腸蟠屈而死食之治風疾

極驗 本草圖經曰烏蛇一名香蛇背有三稜色黑如

漆性至良不齧物多在蘆葦中吸其花氣或乘南風而

吸乾寧記其蛇烏身光頭眼有赤色腹下有白帶子一

條 正字通曰烏蛇最難捕枯死眼不陷 詩經類考

曰有一種名烏燒尾細長有穿錢至百者善治風症

本草

江東一種名烏梢蛇能經物至死一名烏梢蛇

淮南子曰神蛇自斷其身而

自相續注長三尺色似金熟視之微黑不毒人觸其怒則自斷若刀截怒定相就如故 原山海經曰大同之

山有蛇名曰長蛇其毛如氍毹其音如鼓柝 又曰秦

華山有蛇名肥遺六足四翼 增又曰不咸山有蟲獸

首蛇身名曰琴蟲注蛇類 原元中記曰東海有蛇丘

之地險多漸洳衆蛇居之無人民蛇或人頭而蛇身

又曰崑崙山西北有山周圍三萬里巨蛇繞之得三周
蛇為長九萬里蛇居此土飲食滄海 異苑曰魯國中

牟縣蒙山上有寺廟今民欲架室者輒大蛇數十丈出
來驚人故莫得安焉 增水經注曰漢水又東合洛谷

谷有三源注一壑於神蛇戌西左右山溪多五色蛇性
馴良不為物毒 神異經曰西荒之中有蛇輒往就人

欲食腦盤地丈餘人間嘗燒大石伺其臥時舌出以石投舌上於是低頭絕氣而死 通志曰淮江中獸名能蛇之精冬化為雉春復為蛇今吳下不食雉毒故也

埤雅南方多蛇精嘗化為人以呼行旅姓名若顧應之夜必至棲所傷人土人養蜈蚣於枕中臥覺有聲則啓枕放之蜈蚣乃疾馳蛇所啗其腦 寰宇記曰滇池

黃津江有大蛇名青蔥好食人 又曰九真長江水有鈎蛇其蛇食人若殺此蛇則當令死若不死則尋追報

人終不已也雖復入衆中往取害之萬不一失 通志

曰鬱林州出蛇長十丈以帚夜投之則盤可辟不祥

酉陽雜俎曰藍蛇首有大毒尾能解毒出梧州陳家洞

南人以首合藥謂之藍藥藥人立死取尾為腊反解毒

藥 酉陽續集曰蠻江蛇出南安至五六月有巨蛇泛

江岸首如張帆萬萬蛇隨之入越王城 夢溪筆談曰

宣州寧國縣多枳首蛇其長盈尺黑鱗白章兩首文彩

同但一首逆鱗耳人家庭楹間動有數十同穴略如蚯

蚓 潛確類書曰脆蛇一名片蛇出雲南大侯禦夷州

長二尺許遇人輒自斷為三四人去則復續乾之治惡

疽腰以上用首以下用其尾又治大麻風及痢 又曰

芳蛇膏能漏金銀而不能漏於卵殼

酉陽雜俎矛蛇首斃身入水緣樹木

生嶺南南人謂之矛膏至利銅瓦器貯浸出惟雞卵殼盛之不漏主毒腫

江賦曰倭蟪拂

翼而掣耀神蜈蚣以沈遊

倭蟪狀如黃蛇魚翼出火有光神蜈蚣蛇也蜈蚣盤尾

貌

梅聖俞詩曰新雷奮虵甲

蛇二

原抱朴子曰或問隱居山澤治蛇虺之道曰昔負丘多大蛇又生好藥黃帝將登焉廣成子教之佩雄黃而蛇皆去也今帶武都黃色如雞冠者五兩以入山林則不畏蛇蛇若中人以少許末抹之雄黃入瘡中立愈增潯陽記曰羿屠巴蛇於洞庭其骨若陵故曰巴陵穆天子傳曰天子飲於留祈遺其靈鼓化為黃蛇新序曰太子申生至靈台蛇繞左輪御曰速得國之祥太子遂不反伏劍而死賈誼新書晉文公出田前驅還曰

前有大蛇其高如隄橫道而處文公曰還車而歸其御
請攻之公曰不可乃歸齋宿而請於廟退而修政居三
月夢天誅蛇曰爾何敢當聖君之路文公覺令人視之
蛇已臭爛矣 左傳曰莊公初內蛇與外蛇鬪於鄭

南門內蛇死六年而厲公入 又曰文十六年有蛇自
泉宮出入於國如先君之數 又曰成二年逢丑父寢
於輶中蛇出於其下以肱擊之傷而匿之故不能推車
而及 搜神記曰魯定公元年有九蛇繞柱占以爲九

世廟不祀乃立煬宮 原韓子曰鷗夷子皮事田成子

成子去齊亡之燕鷗夷子皮負傳而從至望邑曰子獨
不聞涸澤之蛇乎澤涸將徙小蛇謂大蛇曰大蛇行小
蛇隨之人以蛇之行者耳必有殺子子不如負我以行
人必以我爲神君也乃相負越公道而行人皆避之今
子美而我惡以子爲上客千乘之君也以子爲使者萬
乘之卿也不如爲我舍人田成子負傳而隨之至逆旅
逆旅之君待之甚敬因獻酒肉 史記曰秦文公夢黃

蛇自天下屬地其口出於廊衍於是作廊時 賈誼新

書曰孫叔敖為嬰兒出遊還憂而不食母問其故泣而

對曰今旦見兩頭蛇恐死母曰今蛇安在曰聞見兩頭

蛇者死恐他人復見之也已殺而埋之母曰無憂汝不

死矣吾聞之有陰德者天報以福 增攝山記曰楚大

夫靳尚以讒殺屈原為天所譴作一大蟒穴在山後人

為之立廟 原戰國策曰昭陽為楚伐魏移師攻齊陳

軫為齊王使見昭陽曰有祠者賜其舍人酒一卮舍人

相謂曰數人飲之不足一人飲之有餘請畫地為蛇蛇
先成者飲酒一人蛇先成引酒且飲乃左手持酒右手
畫地曰吾能為之足未成一人蛇成奪其卮曰蛇故無
足子安能為遂飲酒為蛇足者終亡其酒今公攻魏破
軍殺將又移師攻齊戰勝不知止猶為蛇足也昭陽乃
解軍而歸 蜀王本紀曰秦惠王欲伐蜀蜀王好色乃
獻美女五人蜀王遣五丁迎女還至梓潼見一大蛇入
山穴中士引其尾不能出五丁共引蛇山崩壓五丁五

丁踏蛇而大呼 增漢書曰高祖夜行澤中大蛇當道
拔劍斬之後人至蛇所有一老嫗夜哭曰吾子白帝子
也化為蛇當道今者赤帝子斬之 搜神記曰漢武帝
時張寬為揚州刺史先是有老翁二人爭山地詣州訟
疆界連年不決寬臨復來寬視二翁形狀非人令卒持
戟將入問汝何等精翁欲走寬呵格之化為巨蛇出
列異傳曰壽光侯者章帝時人劾百鬼衆魅有婦為魅
所疾侯劾得大蛇又有大樹人止之者死鳥過亦死侯

劾樹神有蛇長七八丈懸而死 原搜神記曰竇武母
產武而併產一蛇送之林中後母卒及葬未窆有大蛇
自蓁草而出徑至喪所以頭擊柩涕血皆流俯仰詰屈
若哀泣之容有頃而去時人知為竇氏之祥 增又曰
桓帝即位有大蛇見陽德殿上雒陽市令淳于翼曰蛇
有鱗兵甲之象也見於省中明有椒房大臣受兵甲之
誅也乃棄官遁去至延熹二年誅大將軍梁冀捕治家
屬揚兵京師也 原風俗通曰車騎將軍巴郡馮緄為

議即發綬笥有二赤蛇可三尺分南北走大用憂怖卜
云此吉祥也君後當為邊將以東為名後五年果為大
將軍拜遼東太守 增漢史曰靈帝時青蛇見御座

採蘭雜志曰甄后既入魏宮宮庭有一綠蛇口中恒有
赤珠若梧子不傷人人欲害之則不見矣每日后梳妝
則盤結一髻形於后前后異之因效而為髻巧奪天工
故后髻每日不同號為靈蛇髻宮人擬之十不得一二
晉書曰趙王倫篡位殿上有大蟒及小蟒耳間垂肉

似重孝幘小蟒亦然

又慕容熙遊於城南止大柳樹

下有人呼曰大王且止熙惡之伐其樹乃有蛇長丈餘

從樹而出又沮渠蒙遜攻浩亶有蛇盤於帳前蒙遜

笑曰前一為螭蛇天意欲我回師先定酒泉也遂燒攻

具而還原世說曰杜預為荊州刺史時有讌集大醉

輒閉齋獨眠外聞齋中嘔吐其聲甚苦有小吏開戶看

之止見牀上有一蛇垂頭牀邊吐都不覺人既出密言

如此增豫章記曰永嘉末有大蛇長十餘丈斷道經

過者輒以氣吸引取之吞噬已百數行旅斷絕道士吳
猛與弟子數人欲往殺蛇蛇藏深穴不肯出猛符南昌
杜公驅蛇出穴頭高數丈猛於尾緣背而以足按蛇頭
著地弟子於後以斧殺之猛曰此蛇是蜀精蛇死而蜀
賊當平旣而果杜弢滅也 廣五行記曰晉吳興太守
袁元瑛嘗之官請郭璞筮吉凶璞曰之官當有赤蛇為
妖不可殺之後至府果有赤蛇在銅虎符函上蟠家人
搗殺之其後元瑛為徐馥所害 廣陵志曰東晉時跋

陀羅尊者譯經於廣陵天寧寺之青蓮池忽有兩青蛇從池中出化二童子自旦為尊者洒掃焚香迄暮俟其收經卷而去日復如是譯經既畢青衣亦不知所在

異苑曰太元中汝南人伐竹見一竹中央蛇形已成上枝葉如故獨異記曰蜀主李勢宮人張氏有妖容勢寵之一旦化為大斑蛇長丈餘送於苑中夜復來寢於牀下勢懼而殺之埤雅廣要曰晉武庫中有野雉莫知所致張華曰雉側必有蛻蛇焉蓋蛇化雉也白孔

六帖曰宋武帝微時代荻新洲射大蛇長數丈明日復往聞杵臼聲覘見數青衣童子搗藥問故荅曰我主為劉寄奴所射今合藥治之帝問主何人不荅叱之皆散得藥傳世世人不識因名此草為劉寄奴 異苑曰丹陽鍾忠以元嘉冬月晨行見有一蛇長二尺許文色似青琉璃有雙角白如玉感而畜之於是資業日登經年蛇自亡忠及二子相繼殞斃此蛇來去吉凶其惟龍乎 搜神記宋元嘉中廣州有三人共入山中伐木忽見

石窠中有三卵大如升便取煮之湯始熱便聞林中如風雨聲須臾有大蛇大十圍長四五丈逕來於湯中銜卵而去三人無幾皆死 南史曰梁武帝與宮人幸元洲苑見大蛇盤屈於道羣小蛇繞之並黑色宮人曰恐是錢龍帝以錢十萬貫鎮於蛇處以厭之 圖經曰南陽武當縣有郡杜柏樹大四十圍梁蕭欣為郡伐之言有大蛇從樹腹中墜下粗數圍長三丈羣蛇數十隨之入南山聲如風雨未伐樹前曾見夢於欣欣不以厝意

及伐之後欣果死於治所 廣五行記曰陳時吳興顧
楷之在桑樹上取葉見五尺大蛇入一小穴其從蛇或
三尺或五尺次第相隨略有數百楷急下樹看所入之
處了不見有一孔日暮還家楷病口瘡不得復語 南
史曰紀僧真遭母喪開塚得五色兩頭蛇 後魏書曰
東魏孝靜帝武定中有大蛇見武牢城上時北豫州刺
史高仲密以武牢叛死者數千人後司馬消難之任武
牢蛇又見消難亦叛土人謂之雌龍 隋書曰煬帝大

業末翟讓初見李密衣在格上密腰帶化為赤蛇讓心
異之竟為密所殺 又李密據偃師王世充領兵討之
夜有斑蛇長丈餘向寢屋作聲如牛吼然仗者斬之明
日戰大潰匹馬歸國 孔帖曰虞世南貞觀八年進封
縣公會大蛇屢見帝憂之以問世南對曰漢靈帝時青
蛇見御座晉惠帝時大蛇長三百步見齊地經市入廟
蛇宜在草野而入市此所以為怪爾今蛇見山澤適其
所居恐有冤獄枉繫宜省錄累囚 又西域波斯貞觀

十二年使者沒以半朝貢獻活褥蛇狀類鼠色正青能
捕穴鼠 唐景龍文館記曰興慶池者長安城東隅形
勢之地也中多王侯第宅天后初有居人王純掘地獲
黃金百金致富官司聞之密加搜獲純懼投於井中縣
官窺之見雙蛇仰首張吻遂不敢入純以此金當為已
得復入取之還見赤蛇赫然蟠屈純懼而出其夜井水
湧溢漸成此池可廣百餘頃 廣異記曰長安至相寺
有賢者自十餘歲便在西禪道院修道院中佛堂座下

恒有一蛇賢者初修道時蛇大一圍及後四十餘年蛇如堂柱大開元中賢者夜至佛堂禮拜堂中無燈而光燦滿堂心甚怪之因於蛇處得徑寸珠至市高舉價冀其識者數日有胡人交市定還百萬賢者曰此夜光珠當無價何以如此酬直胡曰蚌珠則貴此乃蛇珠多至千貫賢者歎服遂賣焉 孔帖曰天寶中洛陽有巨蛇高丈餘長百尺出芒山下胡僧無畏見之曰此欲決水潞洛城即以天竺法咒之數日蛇死 酉陽雜俎曰唐

申王有肉疾腹垂至骭至暑月嘗喘息不可過明皇詔南方取冷蛇二條賜之蛇長數尺色白不食人執之冷如握冰申王腹有數約夏月置於約中不復覺煩暑

又李朝晟為邠州刺史城方渠無水師徒囂然遽有青蛇乘高而下視其跡水隨而流朝晟令築防環之遂為停泉軍人仰飲以足圖其事上聞詔致祠焉杜陽編曰開成初宮中有黃色蛇夜自寶庫中出遊於階庭間光彩焰灼不可擒捕宮人擲珊瑚玦擊之遂并玦而亡

去掌庫者具以事告上令徧搜庫內乃得黃金蛇而珊瑚玦貫其首上熟視之曰昔隋煬帝為晉王時以黃金蛇贈陳夫人吾不知此蛇得自何處左右因覩頷下有阿廢字上蹶然曰果不失朕所疑耳阿廢煬帝小字也遂命取玻瓈連環繫於玉螭之前足其後不復見焉以螭能啗蛇也北夢瑣言曰光化中楊守亮鎮褒日有一蛇橫斜谷嶺路高七八尺莫知其首尾四面小蛇翼之無數每一拖身即林木摧折殆旬半方過盡阻絕行

旅因聚草焚燎路隅慮其遺毒然後方行明年楊伏誅
雲溪友議曰唐相李紳初貧之剡川天宮精舍憑簷
晝寢有老僧齋罷見一黑蛇上剎前李樹食其子焉僧
恐遺毒而入誤食之徐徐驅下蛇乃望東序入李公懷
中倏忽不見公乃驚覺老僧謂曰秀才睡中有所見否
公曰夢上樹食李似有一僧相逼僧知非常人也厚待
之孔帖曰董昌先是晝寢有虺長百尺餘金色見思
道亭昌署亭曰黃龍殿以自神又郭誼兄友事劉悟

為牙將常樂澄山秀峻曰我死必葬此誼以爰假刺史
穿三十丈得石蛇并卵工破之皆流血 王堂閒話曰
梁牛存節鎮鄆州於子城西南角大興一第因版築穿
地得蛇一穴大小無數存節命殺之載於野外十數車
載之方盡時人云此蛇藪也是歲存節疽背而薨 後
唐史曰清泰三年春有蛇鼠鬪於獅子門外而鼠殺蛇
孔帖曰五代王處直初有黃蛇見於碑樓王處直以
為龍藏而祠之定人皆知其不祥曰蛇穴山澤而處人

室失其所居之象也已而處直果被廢死 又周太祖

嘗寢柴后見五色小蛇入鼻間心異之知其必貴敬奉

愈厚 幸蜀記曰蜀咸康六年五月不雨至九月林木

皆枯肥遺見謂之畢鬼

肥遺蛇名角上有火見則大旱

宋列傳曰胡

穎為廣東經略安撫使潮州僧寺有大蛇能驚動人前

後仕於潮者皆信奉之穎檄潮州令僧舁蛇至其大如

柱而黑色載以欄檻令之曰爾有神靈當三日見變怪

過三日則汝無神矣及期蠢然猶衆蛇遂殺之毀其寺

并罪僧 宋夏應辰為潭州書局時有溫江縣申本處
蛇一條長百餘丈神光照三百步口吐香薰灼二十餘
里殺啖人畜無數差甲士二千餘收捕為其掉尾捲去
溺死五百人命天師與法官治之方戮死骨如山 東
齋記事曰蔡君謨知福州以疾不視事者累日每夜中
即夢登鼓角樓憑鼓而睡通判有怪鼓角將累日不打
三更者因對數夜有大蛇盤據鼓上不敢近君謨既愈
與通判言所夢正與鼓角將所說同人遂以為蛇精

野人閒話曰景煥為壁州白石令行涉巴嶺達玉女廟
有巨虺橫亘其前徑可七尺餘鱗甲不啻門扇許大頭
尾垂在山下惟聞折木震響山谷從者驚駭莫能前進
於是且駐山穴因登高望之竟日方見其尾因知吞舟
之魚翳天之鳥信有之也 聞見近錄曰孔中丞道輔

為州掾太守到官三日謁廟廟有蛇以為神每祝之則
蛇自神像鼻中直出飲酒孔方讀祝蛇出飲孔厲聲曰
明則有禮樂幽則有鬼神蛇何為哉以笏擊之蛇死遂

毀像壞其廟而去 江湖紀聞曰初吳璘為大制置在

蜀以殺金坪叢茂恐寇匿其間將欲焚之而未發露忽

一老嫗携一子直至轅門曰聞制置將焚山此軍令不

敢沮但某母子於此地久未能便去望少展一日容某

遷避庶得全母子性命吳叱曰是何妖物嫗曰必殺我

我能滅爾宗族吳怒叱左右執之忽不見遂四面縱火

焚山明日巖下焚死一大蛇長數十丈一小蛇長丈餘

縱火時火燄中黑氣一陣從東南方去時制置子挺新

婦有娠生子曦正焚山時也曦後為四川制置背叛受
金爵命封蜀王復僭稱帝被誅死 寓簡曰宣和間蔡
州有一士人家書室中忽然見小蛇文章陸離蜿蜒几
格間見人不驚畏不敢傷也每日惟已時則見至午乃
隱去日日如此士人異之因伺其至則捕之置鐵絲籃
中逮午視之則堅冷化為石矣其質巧妙天成雖良工
不能加也明日已時則復蠕動既又復為石而屈伸盤
結之狀日日不同士人寶蓄持至京師見中官梁師成

梁歎曰此神物造化之所寓也禁中有玉鼠玉兔以其時見則其物也士遂獻之 夷堅志曰宜黃丞廳與縣

治相連有大蛇長二丈鱗甲青黑行地有聲父老傳言每出遊一廳則主人者必罹禍咎紹興庚辰春出於丞舍後東牆蓮池側隱半身牆內尾垂於池丞祝君適以亭午到池上見之呼乞子能捕者穴牆取之蛇蟠屈不動命數捷力舁至郭外過百丈橋數里縱之莽中意其已遠不能復至矣次日祝仍以午到昨處則蛇乃在元

穴欲殺之而吏士皆不敢承命曰此禍至大寧受杖責不得已但令舁去如是者至於四五迨祝死乃絕不見又武功大夫成俊建康屯駐中軍偏校也善禁咒之術尤工治蛇紹興二十三年本軍於南門外四望亭晚校有蛇自竹叢出其長三丈面大如杵生四足遍身有毛作聲如豬行趨甚疾為逐人吞噬之勢衆皆驚擾不知所為適有馬槽在側急取覆之而白統制官遣呼俊俊至已能言其狀且云是名豬豚蛇齧人立死即步置

布氣禁之少頃令啓槽則已僵縮不能動再覆之仰吸日光三吹槽上及啓視化為凝血矣又排彎山有黑蟒色深青長可二丈積為人害居民共邀俊施術俊曰在吾法不宜率爾盍具狀以來既得狀書章奏天詔旦詣穴口為壇被髮跣足衣道士服向空叱神將曰速斯須蛇不出繼遣兩將如是者三四反蛇猛從穴內奮迅奔壇若將欲鬪者俊大聲呼之取所著汗衫中分裂其裾蛇劈為兩此患遂息民家小兒因行草際遭螫痛徹心

腑幾於不救俊往療之問兒曰汝誤踏踐之以致齧耶
將自行其傍而然耶曰初未嘗觸之不覺咬我俊曰我
亦久知之此無故傷人命不可恕乃除地丈許插小竹
片為劍作法呼蛇至者如積詰之曰作過者留劍下否
則退羣蛇以次相引而去各適所在獨一小蛇色如土
伏劍旁俊召判官檢法曰蛇無故傷人當何罪兒家聚
觀者皆莫見久之又曰依法蛇自以首觸劍死焉俊之
技如此而無所求於人醫士劉大用欲學其術俊曰此

非所靳但慮持之不謹或干犯法律將自貽禍乃止

又鄂州總領司故州治也後福城城有園園有大蛇長

數丈許乾道中韓總管者欲於東北偶建楚望亭而築
基不成至於數圮或言此處蛇所穴儻為立祠當可就
韓如其說作小廟於數十步間基即成蛇往來東西或
如教塲大井內或從府倉氣樓中垂頭下食米嘗蛻皮
於竹林裏一兵得之貯以布囊時時出示人蛻廣長如
其身左肋下有一足郡民楊八賃城下壕種菱芡就壩

地縛葦舍母子處之以察盜摘者夏夜過半聞聲母以
為賊也出視之見蛇在女牆上而頭在濠中昂起睨母
母駭教楊生至僅能舉手指示即仆地死楊懼舍之去
已而蛇不復出入疑其入大江云 又蘄州境有蛇洞
在蘄州口鎮側蓋白花蛇所聚今不復有矣土人採捕
乃出羅田山谷中施少路溫舒自信陽守解印造朝舟
抵蘄口詣近處龍峰寺遊觀距蛇洞不遠詢於寺僧皆
言徒有其名耳因信步到方丈復躡石級百層得一堂

方疊足坐憩傍人驚曰一巨蛇正蟠屈於下相與持挺
擊逐施遽下榻蛇徑入山見者無不汗駭此蛇之毒甚
於蝮或為所傷急須剜去肉少緩則遍體盡生白紋方
花如其形不踰時必死施到闕除蘄春守蓋且將為地
主故山川之靈陰相之特令此物出異以示衆 泊宅
編曰成都府園西樓有大蟒居之不敢發率常扃鎖虞
經臣作帥宴客樓下蟒忽落正中一武臣之肩須臾皮
肉潰爛成瘡妙藥治之方愈經為文遣吏祭之即日毀

樓蜥亦不見
遼史國語曰解善蘇庫宗室人名能知

蛇語

蛇三

增遊霧

吐雲

淮南子主術騰蛇遊霧而動類書志海昏有巨蛇據山為穴吐氣為雲許遜

過此誅之

憐風

飲露

莊子蛇憐風風憐目目憐心下見蛇一本草

配龍

化蛟

後漢張奐疏蛇能屈伸配龍騰述異記虺五百年化為蛟

吐香

食塵

潛確

類書黃花蛇出溫江長百餘丈神光照三百餘步口吐椒梅香熏灼三十餘里詩經類考青蛇食塵

吞象

食鹿

上詳蛇一山海經又曰大

褰鼻

歧

尾 白花蛇一名寨鼻蛇諸鼻向上此獨
向下一地鏡圖永昌郡有歧尾蛇
五種 百類

蛇 毒蟲草木水火土五種其舌雙其耳聾其毒在涎交
則雄入雌腹交已乃退出交雄則生蜃及蟪元稹集

巴之蛇有百類鸛
鳥能食其小者

鸛 黃黑色有頰丈一
生蜃 化鱧 通水蛇生水中大如

名公蠅蛇能化鱧
眼聽 胎生 聽雅廣要蛇以眼

蝮 獨胎產生時
青蜃 黑蛇 本草青蜃蛇一名青竹

輒 拆破母腹
蛇 最猛或於草莽中吐絲網成伺人過則出螫但目

此 蛇 無見又名盲蛇專伺網動以螫人
淮南子注黑蛇

神 蛇 潛泉而居
赤頸 黃喉 宋永初山川記始興郡

遇 雨則躍興
鱗蟲 埤雅廣要螭蛇龍類也

一 類 考黃喉蛇
龍類 鱗蟲 詩經類考蛇本毒蟲有無

毒者本鱗蟲
有無鱗者

金星鐵甲

詩經類考金蛇一名金星
地鱗白者曰銀蛇曰錫蛇

夷堅志文安公小隱園在妙淨寺其西偏地僻久不
平治蔓莽極目紹興五年七月月中有二犬共擒一蛇大
如柱其長五六尺未幾二犬俱斃蛇體黑花方紋
間之遍體生毛茸茸然名為鐵甲五步蓋蝮類也
啖

童女

化老翁

搜神記東越庸嶺有大蛇欲得啖女童
常八月祭送蛇穴蛇輒吞之時將樂縣

李誕有小女名寄應募而行乃請好劍昨蛇犬作數斛
資蜜灌之置穴口蛇出頭大如園目如二尺鏡先啖餐
灌寄便放昨蛇犬以劍斫殺之越王
乃聘寄為后下詳蛇二搜神記

鳥翼

雞冠

山海

經陽山多化蛇狀如人面豺身鳥翼蛇行音如叱呼
見則邑大水詩經類考錄異記有雞冠蛇爆身蛇

六足四翼

一首兩身

上詳蛇一山海經又渾冬之
山有蛇一首兩身名曰肥遺

君謨凭鼓

周詢垂欄

上詳蛇二東齋記
記事朝議周詢知

又東齋
安州一日

宴於園中國吏見大蛇垂欄楯上就視之乃周詢
醉而假寢也于壽亦嘗言周詢于相法為蛇形

含

土蟄伏地行

羅氏曰蛇草居嘗飢每得食輒飽輒復
蛻殼冬輒含土入蟄及春出蟄則吐之

圓重如石謂之蛇黃又曰犁頭蛇頭似
犁頭尖脊大額螫人必死亦好伏地而行

黃公術制

董奉符誅

西京雜記東海人黃公少時為術能制蛇
廣州記晉興郡路側五六里有一物大

百圍長數十丈行者過視則往而不返積年如此失人
甚多董奉從交州出由此嶠見之大驚云此蛇也往行
旅施符救經宿往看蛇已
死矣左右曰骨積聚成山

吸馬

逐鼠

益州記
縣下有一老

姥家貧孤獨每食輒有小蛇頭上戴角在牀間姥憐而
飼之後稍長大遂長丈餘令有駿馬蛇遂吸殺之令因

大忿恨責姥出蛇姥云在牀下令即掘地愈深愈大而無所見令又遷怒殺母蛇乃感人以靈言瞋令曰何故殺吾母吾當為母報仇此後每夜輒聞若雷若風四十許日百姓相見咸驚語汝頭那忽戴魚是夜方四十里與城俱陷為湖土人謂之陷湖惟姥宅無恙訖今猶存舊唐書太宗嘗覘敵登丘而睽敵兵四合未之覺也

有蛇逐鼠鼠起

偃師牛吼

仙谷犬飛

上詳蛇二隋書博物志天門

山有大巖壁直上數千仞草木交連雲霧擁蔽其下有徑途微細行人往忽然上飛而出林表若昇仙如此者不可勝紀往來南北號為仙谷時有樂於道者不遠千里而來洗浴岩畔以求昇仙至此林下無不飛去會一夕有智能者曰此必妖怪因以石自繫而牽一大人其谷犬復飛去愈知其妖邪之氣以吸之乃遣近山鄉里募年少者數百人執兵器持大棒而先縱火燒其草及伐竹木至山畔觀之遙見一物長數十丈高下隱隱垂

頭下望漸逼乃一大蟒蛇於是命少年鼓躍擊射然後斫刺面口張尺餘尚欲害人力不加衆久乃卒其所吞人獸之骨在左右如阜焉

榕藤竅

墜柏樹腹

北戶錄段公路至雷州對岸倚

舟候風見羣小兒簇二巨蛇各長丈餘一如孔雀珠色金翠奪目一如真紅色鮮明若血又有十餘頭白蛇前後相似若導從俱入一榕藤竅內竟不復出故知蛇有草木水土四種其類不可窮也

下詳蛇二唐書

陷武強淵

橫斜谷嶺

水經武強縣故治有武強淵者宿云邑人有行于途者見一小

蛇疑其有靈持而養之名曰擔生長而吞噬人里中患之遂捕繫獄擔生負而奔邑淪為湖縣長及吏咸為魚

矣下詳蛇

恚怒受報

暴酷化形

周景式廬山記安侯世高者安

二北夢瑣言

息國太子與友人共出家學道友人恚怒死受蟒報為此宮亭湖神世高于廣州為人所殺還生安息國復為

王子年二十又棄國入吳來之宮亭泊船呼友與語友
人身長數十丈見世高向之胡語竟各分去暮有一少
年上世高船跪受咒願因忽不見世高語同船人曰向
少年即此廟神也得離惡形矣蟒既見世高從山南過
死於山北今柴桑民所居蛇里是也緯略林棣縣虞
侯張坦暴酷嗜利病死瘞城外月餘夜夜叫呼隣人報
其家謂復生妻子輩開掘視之身已化巨蛇頭尚人也
取置荆園中體寒索厚被日食肉二斤酒一斗復能人
言後數月頭亦蛇矣漸不

秦瞻腦內

士禹鼻中

搜

記秦瞻居曲阿彭皇野忽有物如蛇突入其腦但食聲
啞數日而出去尋復來取手巾縛口鼻亦被人積年
無他病惟患頭重又曰陳留阮士禹傷於
虺不忍其痛數嗅其瘡已而虺成於鼻中

耳間垂

肉皮上有孔

上詳蛇二晉書梁書倭國有獸如牛
名山鼠又有大蛇吞此獸蛇皮堅不可

斫其上有孔乍開

啣珠報

打草驚

搜神記隋侯行

治之其後蛇啣珠以報之彙苑王魯為當塗令黠貨

為務會稽民連狀訴主簿貪賄魯判曰汝雖打草我則

如蛇之被驚 禱而得泉 殺之被震

潛確類書武德

已知戒矣

喪父以至孝聞母卒天旱掘地求水以供葬事不能得

傍徨悲泣忽有蛇躍出德政默禱隨所之而掘地果得

泉有司言狀旌復其家廣五行記東光人東方飛龍

病甚夢化為大黑蛇以告其妻既死遂有大黑蛇入室

上棟間諸子將殺之其妻曰此是爾父諸子

茅鱗

不聽遂殺之即日暴雨諸子皆震死柩前

山蛭上見蛇一卷遊雜錄續明道雜志黃州有小蛇

非也土人言此蛇老蛭蛭所化無甚大者其大不

過如大蛭蛭行不類蛇宛轉甚鈍又謂之山蛭

蛇四

增蛇足

宣室志蛇以桑柴燒之則足出

蛇蛻

吳氏本草經蛇蛻一名龍子單衣一名弓皮一

名蛇符一名蛇

蛇臥

詩經類考有一種萊花蛇綠色江西捕之作蛇臥隨所蟠之形

則曰某卦以斷禍福俚俗信之

蛇箭

三元孝贊蛇頭不可以刀斷必回傷人名曰蛇箭

蛇

市

述異記揚州有蛇市市人鬻珠玉而雜貨鮫布

蛇珠

洞冥記蛇璣出塗云國有青靈蛇產珠色

光

蛇酒

閒窓括異記李舟之弟患風或云蛇酒治風乃求黑蛇生置瓮中醞以麴藥數日蛇聲不

絕及熟香氣酷烈引滿而飲斯須之間悉化為水惟毛髮存焉

蛇五

增詩唐元稹巴蛇詩曰巴蛇千種毒其最褻鼻蛇掉舌

翻紅焰盤身蹙白花噴人豎毛髮飲浪拂泥沙

序云毒人則毛

髮皆豎起飲溪澗而泥沙盡沸

欲學叔敖瘞其如多似麻

又曰越嶺

南濱海武都西陷戎雄黃假名石鷄鳥遠難籠詎有墮

腸計應無破腦功巴山晝昏黑妖霧毒濛濛

又曰漢

帝斬蛇劒晉時燒上天自茲繁巨蟒往往壽千年白晝

遮長道青溪毒霧煙戰龍滄海外平地血浮船

宋黃

希旦靈蛇詩曰嘉祐辛丑歲郡侯得召伯是時夏六月

雲日紅翕赫殿北古龍堂窗戶久不闢俄然靈蛇見宛
轉真象側鱗甲錦繡文燦爛輝五色視之頗馴擾狎之
不驚惕郡侯率羣僚朋來擁荆戟遲留夜未午風雨滿
天黑迅雷瞥四起狂雷隨一擊須臾風雨收形影誰能
覓斯蓋龍之靈變化固難測方知至神物其來表有德
張耒放二蛇詩曰二物穴吾居歲月亦已老一朝雙
擒獲蜿蜿出幽草安行免噬齧敢望吐珠報已月不殺
蛇昔賢有遺告

原銘晉傅休奕靈蛇銘曰嘉茲靈蛇斷而能續飛不須翼行不假足上騰雲霄下遊山嶽逢此明珠預身龍族原贊晉郭璞長蛇贊曰長蛇百尋厥鬣如彘飛羣走類靡不吞噬極物之惡盡毒之厲又螭蛇贊曰螭蛇配龍因霧而躍雖欲升天雲罷陸略材非所任難以久託又巴蛇贊曰象寶巨獸有蛇吞之越出其骨三年為期厥大何如屈生是疑又蟒蛇贊曰蠢蠢萬生或以類長惟蛇之君是惟巨蟒小則數尋大或百丈又枳

首蛇贊曰夔稱一足蛇則二首少不知無多不知有雖
資天然無異駢拇 周庾信孫叔敖逢蛇贊曰叔敖朝
出容悴還家母氏顧訪知埋怪蛇爾有陰德陽報將加
終為楚相卒有榮華 增楊氏異物志贊曰蚺惟大蛇
既洪且長采色駁犖其文錦章食灰吞鹿腴成養創賓
享嘉宴是豆是觴

增說唐柳宗元捕蛇說曰永州之野產異蛇黑質而白
章觸草木盡死以嚙人無禦之者然得而腊之以為餌

可以已大風孿踠癰癘去死肌殺三蟲其始太醫以王
命聚之歲賦其二有能捕之者當其租入求之人爭奔
走焉 又宥蝮蛇文曰吾悲夫天形汝軀絕翼去足無
以自扶曲脅屈脇惟形之紆目兼蜂蠆色渾泥塗其頸
戕恧其腹次且褰鼻鉤牙穴出榛居蓄怒而蟠銜毒而
趨志靳害物陰妬潛狙汝之稟受若是雖欲為鼃為蟪
焉可得已凡汝之為惡非樂乎此緣形役性不可自止
草搖風動百毒齊起首豸脊努呬舌搖尾不逞其凶若

病乎已世家寒心吾獨悲爾吾將薙吾庭葺吾楹害吾垣嚴吾扃俾與草不宅而穴隙不萌與汝異途不相交爭雖汝之惡焉得而行嘻造物者何甚不仁而巧成汝質既稟乎此能無危物賊害無辜惟汝之實陰陽為戾假汝忿疾余何汝尤是戮是扶宥汝於野自求終吉彼樵豎持殳農夫執耒不幸而遇將除其害餘力一揮應手糜碎我雖汝活其惠實大他人異心誰釋汝罪形旣不化中焉能悔嗚呼悲乎汝必死乎毒而不知反訟其

內今雖寬焉後則誰賚陰陽爾造化爾道烏乎在可不
悲歟 宋張耒逐蛇說曰嗟堯之時兮大水滂橫潰四
海兮包陵岡龍騰蛇奔兮嬉以狂腥鱗頑鬣兮更披猖
城居穴處兮亂厥常類蟲糾結兮肆害戕陸盤淵據兮
傲不臧朋屯黨聚兮蕃以昌穿穴嚙噬兮民盡傷乃命
伯禹兮行四方驅龍放蛇兮屏諸荒曷為茲蛇兮宅吾
居妖頑堅老兮傲驅除深潛居山兮坦無虞下飲吾沼
兮捎林枝朱眸丹舌兮黝鱗膚恍惚遽速兮疑有無居

者畏避兮行者除險奪我國兮駭吾徒盜竊祭禱兮欺
羣愚我咨爾蛇兮潛山穴野陰蟠遠伏兮與人異舍冬
居夏遊兮時以行食爾之食兮朋爾朋僭亂我居兮失
常經叛棄爾守兮帝有刑胡昏頑兮居以寧自為不寧
兮邀剽烹荒戾天理兮悖聖程我宥爾愆兮逐爾行亟
舍故處兮遐以征南山之幽兮雲霧冥草木蒼蔚兮險
不平爾徒煩兮食爾盈捕取不至兮居無與爭汝生孔
遂兮壽爾齡

御定淵鑑類函卷四百三十九

欽定四庫全書薈要卷一萬一千八百八十八

子部

御定淵鑑類函卷四百四十

鱗介部四

龜

龜一

原爾雅曰龜三足曰賁龜俯者靈仰者謝前弁諸果後
弁諸獵左倪不類右倪不若一曰神龜二曰靈龜三曰

攝龜

小龜也腹甲曲折
解能自張閉也

四曰寶龜五曰文龜六曰著龜

七曰山龜八曰澤龜九曰水龜十曰火龜 易曰離為

龜 尚書曰九江納錫大龜 周官曰龜人掌六龜之

屬各有名物天龜曰靈屬地龜曰繹屬東龜曰果屬西

龜曰雷屬南龜曰獵屬北龜曰若屬各以方色與其體

辨之

屬言非一也色謂天龜黝地龜黃東龜青西龜白南龜赤北龜黑各方色

凡取龜用秋

時攻龜用春時各以其物入於龜室

六龜各異室

上春釁龜

祭祀先卜

大戴禮曰甲蟲三百六十而神龜為之長

洛書曰靈龜者黝文五色神靈之精也能見存亡明

於吉凶

洪範五行曰龜之言久也千歲而靈此禽獸

而知吉凶者也 禮統曰神龜之象上圓法天下方法

地背上有盤法丘山黝文交錯以成列宿五光昭若黝
錦文轉運應四時長尺二寸明吉凶不言而信 逸禮

曰天子龜尺二寸諸侯八寸大夫六寸士民四寸龜者
陰蟲之老也龜三千歲游於卷耳之上老者先知故君
子舉事必考之 禮斗威儀曰君乘土而王則龜被文
而見 春秋運斗樞玉衡星得百獸率舞靈龜躍 又

瑤光星散為龜 孫氏瑞應圖曰龜者神異之介蟲也

黜采五色上隆象天下平象地生三百歲遊於蓮葉之上三千歲尚在叢著之下明吉凶不偏不黨唯義是從王者無偏無黨尊用耆老不失故舊則出一本曰德澤湛漬漁獵從時則出 又禹卑宮室則出文王時亦出

史記曰余至江南聞長老云龜千歲乃遊蓮葉之上又南方老人以龜搯牀足經二十餘歲老人死移牀龜尚生龜能行氣導引至神若此 又褚先生曰能得名龜財物歸之家必大富至千萬一曰北斗龜二曰南

辰龜三曰五星龜四曰八風龜五曰二十八宿龜六曰
日月龜七曰九州龜八曰玉龜凡八名其龜圖各有文
在腹下文曰某之龜也不必滿尺二寸得七八寸可寶
矣 又曰上有禱古稠字著下有神龜著生滿百莖者其
下常有神龜守之其上有青雲覆之 增宋瑞符志曰
元龜書者天符也王者德至淵泉則洛出龜書 原列
子曰渤海之東有壑焉其中有山無所連著常隨波上
下往還不得暫時焉仙聖毒之訴於上帝帝恐流於西

極失羣聖之居使巨鼈十五舉首而戴之往為三番六

萬歲一交焉五山始峙而不動龍伯之國有大人舉足

不盈數十步而暨五山之所一釣而連六鼈合負而趨

歸其國灼其骨以數焉管子曰龜生於水發之於火

故為萬物先為禍福正增韓子曰龜背微偃謂之穹

龜淮南子曰龜三千歲蜉蝣不過三日以蜉蝣而為

龜憂養生之具人必笑之又介潭生先龍先龍生黝

龜黝龜生庶龜凡介者生於庶龜原抱朴子曰巢記

千歲之龜五色具焉其額上兩骨起似角解人言浮出蓮葉之上或在叢著之下其上或時有白雲蟠蛇龜蛇潛蟄則食氣夏恣口而甚瘦冬穴蟄而大肥 增又曰山中稱時君者龜也 金樓子曰黃金滿筍不以投龜又曰中文名曰千里其通首橫文之第一級左右有斜理皆接於千里者龜王之文也 草木子曰介蟲有蟄龜鼈是也 原說苑曰靈龜五色色似玉背陰而負陽上隆象天下平法地轉運應四時蛇頭龍頸左睛象

日右晴象月知存亡吉凶之變 又龜千歲能與人言

博物志曰大要龜鼃之類無雄與蛇通氣則孕龜鼃

皆卵生 古今注曰千歲之龜常有白氣冉冉而起

星經曰天龜五星在南漢中 本草曰山龜之大者人

立背上可負而行 元中記曰東南之大者巨鼃焉以

背負蓬萊山周廻千里巨鼃巨龜也 增化書曰牝牡

之道龜龜相顧神交也龜雖與蛇合亦有以神交者

白孔六帖曰龜百歲一尾千歲十尾二百歲為一總龜

千歲曰五總龜千歲一聚問無不知 原柳氏龜經曰
龜一千二百歲可卜天地之終始何以言之三千四十
二占於天地千歲之龜甲黑 增又欲知龜有神視骨
白如銀 又曰夫龜甲黃足赤眼白尾青腹黑者蓋稟
受乎五行之粹也然而性畏刀鐵之器聞其聲則不能
動矣 埤雅廣要類從云龜不咽粟蓋龜善藏久能行
氣導引 又龜背微坼如皴剥故莊子云宋人有善為
不龜手之藥也 又龜有靈德伏匿而噎善潛而不志

於養故古者簠簋皆為龜形於其上而大臣貪墨坐廢者曰簠簋不飭也 緯畧曰玄武即龜之異名龜水族也水屬北其色黑故曰玄武有甲能捍禦故曰武世人不知乃以玄武為龜蛇二物 蠡海集曰龜之前爪五指陽也後爪四指陰也故為陰陽之大用或曰前五後四五湖四海也 詩經名物解曰龜蛇伏氣首皆向東又龜咽日氣而壽故養生者服日華 又瘞龜板於棗根可以召雷 周處風土記曰江南五月五日煮肥

龜入鹽豉蒜蓼食之名曰菹龜取陰內陽外之義 述

異記曰龜一千年生毛壽五千歲謂之神龜壽萬年曰

靈龜 膠葛曰龜千年者能至蓬萊山下覓仙人洗丹

鼎水服之輒生翅能飛變化不測 嵩高山記曰有大

松樹或百歲或千年其精化為伏龜 錄異記曰道州

營陵中龜甲長八尺下自然有文字前後四足各踏一

龜有時行或踰山越水衆莫敢犯 原南越志曰龜甲

一名神屋出南海生池澤中吳越謂之元佇神龍大如

拳而色如金上甲兩邊如鋸齒爪至利而能緣大木捕
鳴蟬至美可食不中於卜以其小故也涪陵大龜文似
瑇瑁俗號曰靈龜 增象山縣志曰象山東攝潭產鶴
龜其甲尺許嘴如鸚鵡尾長七八寸鱗甲炯然 元和
郡縣志曰海陽以南濱大海得名有官鄣湖出名龜以
卜勝於含涯龜也 寰宇記曰惠州海豐海中有巨龜
不知幾千里今渡海往往見巨龜在海嶼間背上生樹
木如沙島昔有商者或依以採薪及作食龜既熱便入

海於是死者輒數十人然後知為龜也 孫公談圃曰

高麗東海洋龍宮之寶藏所也雖無風亦有浪使人過
此舟前大龜如室兩目如巨燭光耀沙上舟人以此卜
之見則無虞也 拾遺記曰員嶠山西有星池千里池

中有神龜八足六眼背負七星日月八方之圖腹有五
岳四瀆之象時出石上望之煌煌如列星 原廣志曰

觜茲維蟠夷住反 形如龜出交州山龜在山食草長尺餘

增本草曰蟠蟠甲可以卜俗謂之茲夷蓋山龜之大

者背上可負而行潮循之間甚多龜為人執剔取其肉

則鳴吼如牛聲動山谷 又鸛龜生高山巖下身扁頭

大觜如鸛鳥故名能治老瘡故又曰瘡龜 又鼃龜生

海中頭足不能縮大者重千斤

水土風物志形薄頭喙似鵞指爪

山

海經曰憲翼之水其中多元龜狀如龜而鳥首虺尾其

名曰旋龜音如剖木佩之不聲 又密山洛水亦有旋

龜鳥首鼃尾 曹植七啟曰寒芳苓之巢龜 蘇軾詩

曰失若龜藏六

雅俗稽言謂縮其頭足尾也

又曰刮毛龜背上何

日得成羶 葉適詩曰龜潛終不慕芳甘

龜二

增禮含文嘉曰伏羲德洽上下地應以龜畫 原黃帝
出軍訣曰帝伐蚩尤睡夢西王母遣道人披黑狐之裘
以符授之曰太乙在前天乙備後河出符信戰即尅矣
黃帝寤思其符不能悉憶以告風后力牧風后力牧曰
此兵應也戰必自勝力牧與黃帝俱到盛水之側立壇
祭以太牢有元龜銜符從水中出置壇中而去黃帝再

拜稽首受符視之乃所夢得符也廣三寸長一尺於是
黃帝佩之以征即日擒蚩尤 增水經注曰黃帝東巡
河過洛修壇沈璧受龍圖於河龜書於洛赤文篆字

原尚書中候曰堯沈璧於洛元龜負書出於背甲赤文
朱字止壇又沈璧於河黑龜出赤文題 龍魚河圖曰

堯時與羣臣賢智到翠瀉之川大龜負圖來投堯堯敕
臣下寫取告瑞應寫畢龜還水中 增述異記曰陶唐

之世越裳國獻千歲神龜方三尺餘背上有文皆蝌蚪

書記開闢以來帝命錄之謂之龜歷洛陽記曰禹時有神龜於洛水負文列於背以授禹文即治水文也

拾遺記曰禹導川夷嶽黃龍曳尾於前元龜負青泥於後元龜河精之使者也龜頷下有印文皆古篆字作九州山川之字禹所鑿之處皆以青泥封記述異記曰

殷紂時大龜生毛原尚書中候曰周公攝政七年制禮作樂成王觀於洛沈璧禮畢王退有元龜青純蒼光背甲刻書上躋於壇赤文成字周公寫之左傳曰臧

武仲自邾使告臧賈且致大蔡焉曰紇之不祀子以大
蔡納請其可賈再拜受龜 莊子曰宋元君夜夢有人
披髮言曰予為清江使河伯漁者豫且得予元君覺召
占夢者占之曰此神龜也明日豫且網得白龜圓五尺
獻乃殺以卜七十鑽而無遺策仲尼聞之曰神能見夢
於元君而不能避豫且之網智能七十鑽而無遺策不
能避剗剔之患 又曰莊子釣於濮水楚王使大夫二
人往先焉曰願以境內累子莊子持竿不顧曰吾聞楚

有神龜巾笥而藏之廟堂之上此龜者寧其為留骨而
貴乎寧其生而曳尾於塗中乎二大夫曰寧生而曳尾
於塗中莊子曰往矣吾將曳尾於塗中 增華陽國志

曰秦惠王十二年張儀司馬錯破蜀克之因築城城終
頽壞後有一大龜從硎而出周行旋走乃依龜行所築
之乃成 原符子曰邦人獻燕昭王以大豕者曰於今
百二十歲邦人謂之豕仙其羣臣言於昭王曰是豕無
用王命宰夫膳之豕既死乃見夢於燕相曰今仗君之

靈而化吾生也始得為魯津之伯而浮舟者食我粳糧
之珍而欣君之惠將報子焉後燕相遊於魯津有赤龜
銜夜光而獻之 增洞冥記曰元封二年鄴過國獻能

言龜一頭長尺二寸盛以青玉匣中豁一孔以通氣東
方朔曰惟承桂露以飲之置於通風之臺上往卜言無
不中 原魏畧曰文帝欲受禪神龜出於靈池 增抱
朴子曰郗儉少時行獵墮空塚中飢餓見塚中有大龜
數數迴轉所向無常張目通氣或俛或伏素聞龜能導

引乃試隨其所為遂不復飢百餘日後竟能咽氣斷穀
魏王棄置土室中試之一年不食顏色悅懌氣力自若
原異苑曰孫權時永康有人入山遇一大龜即束之
歸龜便言曰遊不量時為君所得人甚怪之載出欲上
吳王夜泊越里纜船於大桑樹宵中樹呼龜曰勞乎元
緒奚事爾耶龜曰我被拘繫方見烹臠雖盡南山之樵
不能潰我樹曰諸葛元遜博識必致相苦今求如我之
徒計從安薄龜曰子明無多辭禍將及爾樹寂而止既

至權命煮之焚柴萬車語猶如故諸葛恪曰燃以老桑
乃熟獻者乃說龜樹共言權登使伐樹煮龜立爛今烹
龜猶多用桑薪野人故呼龜為元緒 增宋志曰晉長
沙王乂坐同產兄楚王瑋事徙封常山後還復國在常
山穿井入地四丈得白玉方三四尺玉下有大石其中
有龜長二尺餘時人以為復國之祥 晉起居注曰永
嘉六年玉龜出灞水 原會稽後賢傳曰孔愉字敬康
嘗至吳興縣餘不亭見人籠龜於路愉求買放之至水

反顧

晉書中流左顧

愉及封此亭侯而鑄印龜首迴屈三鑄不

正有似昔龜左顧靈德感應如此愉悟乃取而佩焉

顏真卿石柱記曰餘不亭侯孔愉墓在城下古木數

株堅如鐵石故老相傳云愉卒後龜銜巢木植於此至

今號龜銜樹溪名龜溪橋曰龜回橋 原續搜神記曰

晉咸康中豫州刺史毛寶戍邾城有一軍人於武昌市

買得一白龜長五寸置甕中養之漸大放江中後邾城

遭石氏敗赴江者莫不沈溺所養龜人被甲投水中覺

墮一石上須臾視之乃是先放白龜既約岸迴顧而去

增車頻秦書曰苻堅建元十二年高陵縣民穿井得

龜大三尺背文負八卦古字堅命以石為池養之十六
年而死藏其骨於太廟以問吉凶名為寶龜是夜廟丞
高虜夢龜言曰我出將歸江南遭時不遇殞命秦庭虜
於夢中自解曰龜三萬六千歲而終終必亡國之徵也
未幾為謝幼度破於淮淝秦祚息矣 宋志曰秦始二
年八月丙寅六眼龜見東陽長山文如爻卦太守劉勰

以獻 原南齊書曰永明年唐潛獻青毛神龜一頭

增又長山縣王惠獲六目龜一頭腹下有萬歡字并有卦兆又建城縣昌城內獲四目龜腹下有萬齊字 梁

書曰元帝為江州刺史時有安成望族劉敬躬者田間得白蛆化為金龜將銷之生光照室敬躬以為神而禱之所請多驗也 鼎錄曰梁天監二年安豐得一角龜

武帝遂作一鼎投得龜處 陳書曰宣章皇后母遇道士以水龜遺之光采五色曰三年有徵及暮后生紫光

照室因失龜所在 獨異志曰陳宣帝時揚州嚴泰江

行逢漁舟有龜五十泰用錢五千贖放之行數十步漁
舟乃覆其夕有烏衣人五十扣泰門謂其父母曰賢郎
附錢五千可領之父母雖受錢怪其無因及泰歸問乃
說贖龜之異因以其居為寺里人號曰嚴法寺 北齊
書曰陸法和嘗至襄陽城北大樹下畫地方二尺令弟
子掘之得一龜長尺半以杖扣之曰汝欲出不得已數
百歲不逢我豈見天日乎為授三歸龜乃入草 隋志

曰開皇中掖庭每夜有人來挑宮人宮司以聞帝曰門
衛甚嚴人何從而入當是妖精耳因戒宮人曰若遇但
斫之其後有物如人夜來登牀宮人抽刀斫之若中枯
骨其物落牀而走宮人逐之因入池而沒明日帝令涸
池得一龜徑尺餘其上有刀迹殺之遂絕 錄異記曰

武德末太宗平內難苑中池內有白龜遊於荷葉之上
太宗取之化為白石瑩潔如玉故登極之後降制曰皇
天眷祐錫以寶龜 朝野僉載曰偽周武姓玄武龜名

故以銅為龜符 又襄州胡延慶得一龜以丹漆書其

腹曰天子萬萬年以進之鳳閣侍郎李昭德以刀刮之

並盡奏請付法則天曰此非惡心也捨而弗問 錄異

記曰唐明皇嘗有方士獻一小龜徑寸而金色可愛云

此龜神明而不食可置之枕筒之中辟巨蛇之毒後有

小黃門竄南徼者上以賜之至象郡屬邑於旅館出之

階下果祛報冤蛇之毒於一方云 異聞集曰王勣遊

嵩山少室遇日暮止一石室中月夜有人面潤白鬚眉

長黑而矮稱毛生與勳談議勳疑怪取鏡照之其人失聲俯伏化而為龜身帶綠毛焉唐書曰建中三年趙州寧晉縣沙河北有棠樹甚茂民祠之為神有蛇數百千自東西來趨北岸者聚棠樹下為二積留南岸者為一積俄有三徑寸龜繞蛇行積蛇盡死而後各登其積野人以告蛇腹各有瘡若矢所中刺史康日知圖其事奉三龜來獻酉陽雜俎曰貞元末福州有邨人賣一籠龜其數十三販藥人徐仲以五鍰獲之邨人云此聖

龜不可殺徐置庭中一龜籍龜而行八龜為導悉大六寸徐遂放於乾元寺後林中一夕而失 梁書曰朱友

貞末年許州獻綠毛龜以為瑞因宮中造室以居之目為龜堂 傅亮靈應錄曰智鉤大師說天福中安吉有邨嫗好放生因潦水有一龜長尺餘從門入嫗令其子放之瀆中龜又上岸沿回田畦間墜一深穴嫗子曰本放爾命却落於此中攘臂取之龜不復見探得白金二錠莫知其由 嘉興志曰晉成帝時尚書徐恬因夜井

發光遂奏請捨宅為寺賜名靈光錢文穆王時立山門
掘地得一小龜介甲分明尾繞身一匝遂改靈龜寺

玉海曰祥符五年三月兗州獻金色龜一又嘉祐八
年十月鼎州芝草叢生下得異龜游宦紀聞曰東坡

謁呂文仲值其晝寢久之方出見便坐有菖陽盆養綠
毛龜坡指曰此易得耳唐莊宗時有進六目龜者敬新
磨口號云不要鬧不要鬧聽取龜兒口號六隻眼兒睡
一覺抵別人三覺似寓言以諷呂宋志曰大觀元年

閏十月丙戌都水使者趙霖得龜兩首於黃河獻以為
瑞蔡京曰此齊小白所謂罔象見之而霸者也鄭居中
曰首豈有二帝命棄之金明池 寓簡曰路允迪公弼
政和中奉使三韓舟行海中忽見黑山湧起山頂有光
如兩日並出者官吏大恐舟師曰此大龜也兩日者是
其雙目當急以三牲祀之公弼口占祝詞率官寮焚香
再拜投牲良久乃沒 潛確類書曰宋楊炎微時畜一
龜大二尺餘每日飼以飯餅其家有事必先報喜則跳

躍凶則下淚試之無不驗者 雅俗稽言曰明太祖孝陵開壙時有白龜十餘皆飛去僅獲一頭頃變為石龜用銅繩鎖入匣內置孝陵殿中香案上至今宛然

龜三

原法天

象地

上詳禮統下詳孫氏瑞應圖

十朋

四品

周易或益之十

朋之龜王弼注曰龜者決疑之物或益而得十朋之龜則盡天人之助也 漢書曰元龜距形長尺二寸直二千一百六十為大貝十朋公龜九寸以上直五百為壯貝十朋侯龜七寸以上直三百為公貝十朋子龜五寸以上直百為小貝十朋是為寶龜四品

黜服

繡裳

史記宋元王問博士衛平曰今者寡

人夢見一丈夫黥繡之服而乘輜車曰我為江使於河而豫且得我而不能去身在患中莫可告語王有德義故來告訴是何物也衛平乃援式而起對曰昔壬子宿在牽牛使者當因衣黥服而乘輜車其名為龜王可使人問而求之王曰善哉孫惠龜言賦有緇衣之丈夫兮衣黥繡之衣裳乘緇車之岌岌兮駕雲霧而翱翔

赤靈

白若

柳隆龜經龜有五色依時用之青靈之龜春宜用之西坐東向赤靈之龜夏宜

用之北坐南向墨子昔夏后氏使飛廉祈金於柳山以鑄鼎於昆吾使翁難乙灼白若之龜是也

巢

蓮

升木

史記褚先生曰江南嘉林龜在其中常巢於芳蓮之上左脇書文曰甲子重光得我者匹

夫為人君有土正諸侯得我者為帝王王子年拾遺記崑崙山第五層有神龜長一尺九寸有四翼萬歲則升木而居亦能言也

朱字

黥文

上詳龜二尚書中候下詳龜二禮統

春灼

冬鑿

三禮圖龜以上春灼後左夏灼前左秋灼前右冬灼後右蔡邕月令孟冬之月命大卜鑿龜

筮以牲祠龜筮塗以牲血謂之鑿龜鑿者龜甲所以卜也筮者著草所以筮也

陸行坎居

焦贛易林龜厭江海陸行不止自令枯槁失其都市李頤龜賦質應離象位定坎居賤彼朶頤貴我靈符浮洛川見緯書洞

揶揄懸室

上詳龜一史記又曰取龜置室西北隅懸之

祕奧通幽虛

以入深山大

督郵神使

古今注龜名烏衣督郵又曰神使神龜也郭璞江

林中不惑

賦應交甫之喪珮

錦文金色

上詳龜一禮統下詳龜一南越志

愍神使之嬰羅

養氣含神

郭璞山海經圖鵝龜贊水圓三方潛源溢沸靈龜爰處掉尾養氣莊生是感揮竿傲

貴沈懷遠南越志曰神龜出江水中廬江

郡常獻生龜於太卜冥含神知為効至大

右轉

左顧續搜神記鄱陽人黃赫入山采荆楊遂迷路數日忽見大龜赭便咒之曰汝是靈物而吾迷不知道

今騎汝背頭向便是路龜即回右轉赭即從行十許里便得溪水即估客行舟者也下詳龜二會稽後賢傳

三足

四翼

山海經大若山陽狂水出焉注於伊水中多三足龜下詳前升木注

青純

翠毫

上詳龜二尚書中候徐湛之翠龜表句容縣人獲龜一頭體披翠毫騰躍飛集

大蒙

元緒

淮南子周人簡珪產於古石大蒙神龜出於溝壑下詳龜二異苑

四

靈

九疇

麟鳳龜龍謂之四靈王者之嘉瑞書天錫禹洪範九疇注天與洛書神龜負文而出列

于背有數至九

先知

爰契

禮記龜為前列先知也詩經爰契我龜

不告

有知

詩經我龜既厭不我告猷石祁子曰不沐浴佩玉而得吉兆以龜為有知也

不寶

為畜

禮記家不寶龜不藏圭
又龜以為畜故人情不失

在嘉林

出江水

萬畢

術曰神龜在江南嘉林中獸無虎狼鳥無鴟梟草無毒
螫野火不及龜常在焉齊戒以待狀如有人來告之因
以醺酒求之三宿而得史記神龜出江水中廬江郡
嘗歲獻生龜長尺二寸者二十枚輸太卜官太卜官以
吉日剔取腹下甲龜千歲乃滿
尺二寸取前足臑骨穿佩之

明吉凶

助衰老

公羊

傳龜青純純緣也謂甲髯千歲龜青髯明吉凶也史
記江旁有人家嘗畜龜為能導引致氣有益以助衰老

生神物

遺大寶

天生神物注謂著龜也
書寧王遺我大寶龜

非所得

不宜殺

貨殖傳曰元龜為蔡非四民所得居龜笑
傳曰近世江上人得名龜畜之家因大富人

教殺之龜見夢曰送我水中後終殺之身死
家不利人民與君王異道得名龜不宜殺也

負圖

祀骨

孫氏瑞應圖王者德至川泉則元龜負圖也文選龜祀骨於宗祧思反身於淥水

增天

產

人用

白虎通曰龜象也天產也著數也地產也史記曰人用莫如龜

辟塵

游焰

一統志蘄州出龜有綠毛浮水中則毛自泛起歷置壁間數年不死能辟飛塵詩經類考大龜游

焰

耳息

胃鳴

雅俗稽言龜雖有鼻而息以耳心性能導引道家因有龜縮之法說文

蟪龜以

卜人定

諸侯寶

禮記玉藻卜人定龜史定墨君定體注隨所卜之事

各有宜用也又禮

曳尾

脱筒

上詳龜二莊子黃山谷云生龜脱

器諸侯以龜為寶

筒亦難堪忍謂人之情愛難捨如生龜難脱其殼也

遺甲

望卵

不自棄文食龜之肉甲可

遺也南人用之以占年埤雅廣要語云龜思鼈望今龜鼈皆隔洋望卵

呬蛇

食蟒

雅俗

稽言攝龜要食蛇謂之呬蛇龜江東呼為陵龜或言蛇所化故頭尾似蛇俗呼菴龜雲溪友議李筌注陰符經次禽之制在氣惜然不解忽夢烏衣人教之曰元龜食蛛飛鼠斷猿狼蟲齧鶴青要食虎皆以小制大在氣不在形

遊草葉

食竹萌

論衡龜二百歲大如錢遊草葉上三千歲則青邊有距

本草秦龜不入水爾雅所謂山龜是也大者如碑跌食草根竹萌冬月藏土中至春出遊山谷

季秋

登 上春釁

月令季秋登龜取齏下詳龜一周官

兩首

六足

上詳龜二

宋志大明會典

畜盆池

戲衣袖

夷堅志呂德卿家畜一綠毛龜

暹羅國獻六足龜

於盆池中久而甚馴每至日午以小竹杖擊水面必應聲而出即就杖頭插生猪肉數小齋飼之食盡復入凡如是兩歲未嘗少差稚兒欲為戲用此時擊水出而取之置於定盆次日歸之至午不復出經六七日使童子

沒臂求索則死矣此一介蟲之微愠於失信寧不食而死異哉

冷齋夜話萬安軍南並海石崖中有一道士

年八九十歲自言本交趾人渡海船壞于此崖因庵焉畜一龜狀如錢置合中時揭其蓋使出戲衣袖間

如車輪

蔭瓦影

續搜神記司徒蔡謨親友王蒙者單獨為蔡謨所憐公嘗令人捕魚獲龜

如車輪公付厨帳下倒懸龜著屋蒙其夕纔眠即厭如此累夜公聞而問蒙何故厭答云眠輒夢人倒懸已公慮向龜乃今人視龜所在果倒懸著屋公歎曰果如所度命下龜於地於是蒙即得安寢乃去異錄志載韓愈云人之求庇於人謂瓦影龜魚注湖上新亭最好日出之初紋漾日影浮於枕簟瓦影蔭於龜魚庇托於人亦猶龜魚蔭於瓦影之下

青玉匣

琉璃瓶

上詳龜二洞冥記劉崇遠金華子曰徐

太尉彥若赴廣南將渡小海從者於淺中得一琉璃瓶中有一龜長可以寸旋轉不停而瓶項極細不知何自

而入取置舟中其夕忽覺舟偏動視之則衆龜層疊就船而上其人懼而取瓶投之衆龜遂散既而話于海舶胡人曰此乃龜寶也苟得而藏于家何慮寶藏之不豐哉

王瓊畫瓦 子融咒杯

酉陽雜俎術士王瓊取一瓦片畫作龜甲懷之少頃出置地成真龜經數日成瓦 神仙傳南極子融即杯咒之即成龜煮之可食腹藏皆具杯成龜殼煮取肉還成杯 郗儉不飢 畱京免溺上詳龜二太平御覽 九江記臨江郡民留京孝行鄉里推敬時江水暴溢居者皆漂溺京負母號泣忽有大龜至其前舉家七口俱上龜背行十餘里及一高岸龜遂去之

黃安坐背 若士踞

殼洞冥記黃安代郡人也常服硃砂舉體皆赤冬不著衣坐一大神龜時人問子坐此龜幾年對曰昔伏羲氏始造網罟有此龜以授我龜背已平此蟲畏日月之光二千歲而一出頭我坐此龜已來五遇出頭矣行則

負龜而趨世人謂黃安萬歲淮南子廬
教遊北海上見若士踞龜殼而食蛤蜊

解人言

居鵲尾

上詳龜一抱朴子史氏龜經龜生百歲故居鵲尾之上

泥裏而肥鏡

照則溺

江隣幾雜志客有投緇雲山寺中宿者僧為具饌羞鼈甚美但訝其無裾耳入屋後見黃泥數

十圍大如缶問其徒即向所食者在其中取龜以黃泥裏之三日龜服氣肥息特異雅俗稽言龜溺醫家謂

之石腦取法置雄龜磁盎中及小盤于龜後以鏡照之龜見鏡中影則淫發而失溺急以荷葉乘之

內

肉外骨

背陰負陽

埤雅廣要龜內肉外骨腸屬於首與蛇為匹故龜與蛇合謂之玄武

下詳龜一說苑

挑宮人化女子

上詳龜二隋書幽怪錄劉文居若耶溪忽聞

有人採蓮喧笑聲交乃斷柳枝蔽身視之忽見十餘女子從一華林而出皆衣青綠入叢蓮相對而歌乃掉舟

以逼之諸女皆化為龜入水

綠衣使者 洞幽先生

綠毛龜出蘄州大如五銖

錢毛中有金線脊骨三稜底甲如象牙色俗名綠衣使者置几間乃辟蛇蠅顯異錄張鉞見巴西侯飲酒命

樂久之有告者曰洞幽先生在門言訖有一人被黑衣頸長而身甚廣揖之與坐曰席上人將有圖君巴西怒曰歡宴方洽何遽有怪命殺之天將曉鉞悸悟見身臥石龕中一龜形甚巨死於龕前乃向所殺洞幽先生也

玉靈夫子

通幽博士

史記灼龜祝曰假之玉靈夫子夫子玉靈荆灼而心令而

先知而上行于天下行于淵諸靈數剿莫如汝信宋毛勝水族加恩簿令元介卿爾卜灼之効吉凶了然所

主大矣宜授

負閣 戴山

文苑彙雋徐瑞幼時被水處一閣將沈忽空中有人

通幽博士

聲曰徐瑞真宰相可護持之時有龜數百負閣得不沈後瑞果位至宰相下詳龜一列子

壽考

物先知君

脉望曰龜能息氣世間之壽考物也淮南子龜號為先知

投淮水

放銀坑

石林詩話趙清獻公平生畜雷氏琴一張鶴與白龜各一所向與俱始帥成都單馬就道

以之自隨元豐間既罷政事復自越再移蜀過泗州渡淮前已放鶴至是復以龜投淮水中故其詩有馬尋舊路如歸去龜放長淮不再來紀其實也廣異記劉彥回父為湖州刺史有下僚于銀坑得一龜長一尺持獻郡官畢賀云得此龜壽千歲使君謝已非其人自騎馬送龜至坑所後彥回為房州司士之官屬山水泛溢平地盡沒一家惶懼俄有大龜引路隨之而行悉是淺處歷十餘所得免水難彥回夢龜曰昔在銀坑蒙先使君之惠故此報恩

文滋六彩

兆成三吉

周存瑞龜游宮沼賦甲耀金毛文滋六彩

李嶠表

下見

龜四

原僂句

左傳僂句不予欺也注寶龜也

封父

封父之龜天子之器國名也

昭兆

靈龜名左傳成之昭兆

藏則不靈

太史公曰夏殷欲卜乃取著龜已則棄去以為龜藏則不

靈著久則不神至周室寶藏著龜也

懸之不惑

詳懸室注

介蟲之長

水

族之靈

居蔡

論語臧文仲居蔡何如其知也注蔡國君之守龜龜出蔡地因名也

舍

龜

易舍爾靈龜注喻已之明德也

元物

介物

增六眼龜

玉海祥符五年

閏十月己丑新州獻廬江六眼龜至道丁巳永州言零陵得六眸龜一以獻詔示近臣遊宦紀聞嶺海雜記載六目龜出欽州只兩眼餘四目乃斑紋金黃花園長中黑與真目排比正正不偏仔細辨認方知為非真目

也

四眼龜

宋志太始二年八月四眼龜見會稽齊永明五年六月建城獲四目龜

八

眼龜

宋志太始六年九月吳興獻八眼龜梁天監五年四月始豐獲八目龜

毛龜

玉海貞觀

十九年二月岳州獻毛龜二開元二十四年八月常州有神龜見綠毛黃甲大歷八年七月蓬萊池獲毛龜出示百僚又金天門外水渠中獲綠毛龜宋乾德四年和州進綠毛龜作神龜曲至道三年五月壽州貢綠毛龜一帝曰龜有毛者文治之兆祥符三年四月宜聖殿池獲綠毛龜示輔臣帝作七言詩近臣和七年正月丙辰明州獻金毛青文龜一

白龜 宋志宋文帝三獲白龜大明四年六月幸籍田白龜見於千畝宋雍熙中蘇州貢白龜作白龜曲

玉龜 玉海天寶元年正月安西都護田仁琬於于闐東玉河獲瑞玉龜一

金龜 夢溪筆談祥符中方士王捷能作黃金上以獻令尚方鑄為金龜以賜近臣洪州李質夫

家有一枚乃其伯祖虞已所得者其龜夜中往往出遊爛然有光掩之則無所得

石龜

埤雅廣要

蜀中江產石龜人有著意覓之者即不可得脫無心求覓信手捫于水底即或得之首尾足甲穹伏相狀與生無異其背仍有一蛇盤于甲中即使玉工雕琢仍不若也其地今有佑聖高真遺像存焉

冰龜

宋紹

興中汴京大雷雨下冰龜數十里隨大小皆龜形具首足卦文金志天會四年汴都太康縣一夕大雷雨下冰龜亘數十里龜大小不等首足卦文皆異

火龜

郭璞爾雅注火龜猶火鼠耳物有含異者不可

以常理推也

龜五

原詩北齊趙宗儒詠龜詩曰有靈堪託夢無心解自謀

不能著下伏強從蓮上游負圖非所冀支牀空見留儻

蒙一曳尾當為屢迴頭 增唐王績詩曰寶龜尺二寸

由來宅深水浮遊五湖內宛轉三江裏何不深復深輕
然至溱洧溱洧源流狹春秋不濡軌漁人遞往還網罟
相縈藟一朝失運會剗腸流血死豐骨輸廟堂鮮腴藉
珍簋棄置誰怨尤自我招此否餘靈寄明卜復來欽所
履 丁澤龜負圖詩曰天意將垂象神龜出負圖五方
行有配八卦義寧孤作瑞旌君德披文叶帝謨乘流喜

得路逢聖幸存軀蓮葉池通泛桃花水自浮還尋九江
去安肯曳泥塗 宋王安石詩曰世傳一尾龜百齡此

龜但見隋唐興雖然天幸免焦灼想屢縮頸愁嚴凝前
年赴海不量力欲替鼇負三嵎嶺番禺使君邂逅見知
困波蕩因嗟矜疾呼豫且設網取以組貫首蠅穿繩北
歸與俱度大庾兩夫顛顛苦不勝艤船秦淮擔送我云
此一可當十朋昔人寶龜為神物奉事槁骨尤兢兢殘
民滅國遞爭奪有此乃敢司黎蒸於是觀甲別貴賤太

上藏法傳昆仍豈知元君預見夢初知歡喜得未曾自
從九江納錫罷衆漁賤棄秋不登卜人官廢亦已久果
獵誰復知殊稱今君此寶世莫識我以坐視心曹曹搢
牀那堪比瓦礫當粟孰肯捐斗升糝頭腥臊何足嗜曳
尾污穢適可憎盛洩除聾豈必驗蹈背出險安敢憑刳
腸以占幸無事卷殼而食病未能如聞翕息可視効往
乃有隋崖千層仰窺朝陽俯引氣亦得難老如岡陵諒
能學此真壽類世論妄以蟲疑冰嗟余老矣倦呼吸起

宴光景猶難承但知古人所玩惜每戒異物相侵凌唯
憂盜賊今好卜夜半劫請無威懲復恐讒夫負之走并
竊老桑為薪蒸淺樊荒圃不可保守視且寄鍾山僧

張耒詩曰映日漾晴淵沿沙曝黥甲愛爾千歲姿藏身
一蓮葉李之儀詩曰翠蓋相扶兩不欹多情獨許見
陽窺千年自有逃形處聊與清香暫約時梅堯臣詩
曰王府有寶龜名存骨未朽初為清江使因落豫且手
白玉刻佩章黃金鑄印鈕辭聘彼莊生曳塗誠自有

蘇軾詩半脫蓮房露壓欹綠荷深處有游龜只應翡翠
蘭苔上獨見元夫曝日時

原賦魏曹植神龜賦曰龜號千歲時有遺余龜者數日
而死肌肉消盡唯甲存焉余感而賦之曰嘉四靈之建
德各潛位乎一方蒼龍虬於東岳白虎嘯於西岡玄武
集於塞門朱雀棲於南鄉順仁風以消息應聖時而後
翔嗟神龜之奇物體乾坤之自然下夷方以則地上規
隆而法天順陰陽以呼吸藏景曜於重泉食飛塵以寶

氣飲不竭於朝露步容止以俯仰時驚迴以鶴顧忽萬
載而不恤周無疆於太素感白龍之翔翥卒不免乎豫
且雖見珍於宗廟罹剝剝之重辜欲愬怨於上帝將等
愧乎游魚懼沈泥之逢殆赴芳蓮以巢居安黜雲而好
靜不汪翔而改度昔嚴周之抗節援斯靈而託喻嗟祿
運之屯蹇終邁獲於江濱歸籠檻以幽處遭淳美之仁
人晝瞻顧而終日夕撫順以接晨邁淫災以隕越命勦
絕而不振天道昧而未分神明幽而難燭黃氏沒於空

澤松喬化於株木蛇折鱗於平臯龍脫骨於深谷亮物類之變化疑斯靈之解殼

原贊晉郭璞爾雅龜贊曰天生神物十朋之龜或游於火或游於著雖云類殊象二一歸疊疊致用極數盡幾增李之儀贊曰鱗介所宗壽無與京納錫以薦曳尾而行與其託之于死骨孰若遂性以為生余私淑諸莊子蓋將卒歲以沈冥

原表吳謝承表曰伏覩靈龜出於會稽章安臣聞靈龜

告符五色粲章則金則玉背陰向陽 梁劉孝儀為始
興王上毛龜表曰臣聞嘉瑞五靈既著方策故名千載
可得而傳是以元蔡赤文來表軒黃之政神龜青純用
顯姬公之德出自江安實荷謙夷之慶甲生毳羽寧非
銷鏑之徵實皇家之巨瑞庶民之休幸 增唐李嶠表
曰五氣殊方元龜列于玄武四靈異稟神蔡遊於紫泉
用能藏往知來發祚祥聖大禹之永終天祿文薦九疇
隆姬之乃命帝庭兆言三吉永言祕寶錄存縑簡伏見

錢唐人聶幹於市內水中獲毛龜一枚修尾長頭黥甲
綠毳名掩于楚宗狀奇于靈繹雖六眸在首未足尚其
禎祥五色成文詎能齊其詭異伏叢著而自久下芳蓮
而暫出美兼曠代休踰羣祉 蕭穎士表曰臣聞在昔
上皇之御極也升中於天而四靈是格若夫出洛登壇
青文丹甲之瑞王霸以降遼哉曷乎不可得而聞已今
月某日所部江都縣崇虛觀有毛龜出見翠毫金介爍
日霏煙迹殊生育來緣感召應陛下長靈之期符先聖

谷神之妙知來藏往實見於茲休徵委集萬方幸甚

原啓梁丘遲為范雲謝示毛龜啟曰黜甲應於姬渚青
髯符於夏室翱翔卷耳之陰浮遊蓮葉之上藏采千載
獻狀一朝斯誠陛下至德動天窮神為化故能寶瑞開
圖珍祥映牒間出蕃畿繼踵郊甸 陳江總上毛龜啟


曰臣聞聖王受命以代紹興日月精明之狀煙雲爛熳
之采神鼎出於汾陰寶玉開於張掖靈山奧澤卉木呈
祉靜海澄波鱗介禔福靡不顯符瑞以固鴻基肇禎祥

以光永世者也影含四靈光分五色懷星拖月負字銜
圖

御定淵鑑類函卷四百四十

謹案卷四百三十九第九頁前五行六年而厲公
入刊本六年訛不踰年據左傳改

第九頁前七行逢丑父寢於輶中刊本輶訛轅據
左傳改



總校官庶吉士臣張能照

校對官檢討臣王福清

謄錄監生臣閻學澄

謄錄監生臣單勉中